

Cynigion a Gwelliannau i'w Trafod ar 3 Rhagfyr 2003

Cynigion a gyflwynwyd ar 26 Tachwedd 2003

Dadl Fer - NDM1730 Alun Ffred Jones (Caernarfon); Y Gronfa Adfywio Lleol ac Arian Cyfatebol – Bargen Wael i Gymru?

NDM1731 Karen Sinclair (De Clwyd)

Cynnig bod Cynulliad Cenedlaethol Cymru:

1. Yn nodi cynnwys Rhaglen Ddeddfwriaeth Llywodraeth y Deyrnas Unedig ar gyfer 2003-04; a
2. Yn cymeradwyo bod y Mesurau hynny sy'n arbennig o berthnasol i gyfrifoldebau'r Cynulliad yn cael eu hystyried ymhellach gan y pwyllgorau pwnc priodol. Dylai'r ystyriaeth honno roi sylw i'r darpariaethau y dylai pob Mesur eu gwneud ar gyfer Cymru a sut y gallai'r Cynulliad ddefnyddio'i bwerau newydd yn hynny o beth.

Gwelliannau a gyflwynwyd ar 27 Tachwedd 2003

Cynnig bod y Cynulliad yn penderfynu mabwysiadu'r gwelliannau canlynol i gynigion:

NDM1731

1. Jocelyn Davies (Dwyrain De Cymru)

Ychwanegu pwynt newydd ar ddiwedd y cynnig:

Yn galw ar Lywodraeth Cynulliad Cymru i gynnal trafodaethau o fewn Llywodraeth y DU er mwyn rhoi blaenoriaeth i Ddeddf Llywodraeth Cymru newydd a fyddai'n datganoli pwerau i lunio deddfwriaeth sylfaenol ac amrywio trethi i'r Cynulliad Cenedlaethol ac, yn y cyfamser, mae'n gresynu at y diffyg dylanwad sydd gan Gymru dros gynnwys Mesurau ar gyfer Cymru'n unig yn sgil y ffaith nad oes gennym Ysgrifennydd Gwladol llawn amser yng Nghabinet y DU.

2. Jocelyn Davies (Dwyrain De Cymru)

Ychwanegu pwynt newydd ar ddiwedd y cynnig:

Yn gresynu bod mesurau wedi'u cynnwys i gyflwyno ffioedd ychwanegol mewn Sefydliadau Addysg Uwch.

3. Jocelyn Davies (Dwyrain De Cymru)

Ychwanegu pwynt newydd ar ddiwedd y cynnig:

Yn gresynu bod Mesur Iechyd Meddwl (Cymru) wedi'i hepgor.

4. Jocelyn Davies (Dwyrain De Cymru)

Ychwanegu pwynt newydd ar ddiwedd y cynnig:

Yn gresynu bod mesurau i sicrhau mai'r tyfwyr sy'n atebol am halogi cnydau organig neu gonfensiynol gan organebau wedi'u haddasu'n enetig wedi'u hepgor.

5. Jocelyn Davies (Dwyrain De Cymru)

Ychwanegu pwynt newydd ar ddiwedd y cynnig:

Yn croesawu'r cynnig i sefydlu Cronfa Diogelu Pensiynau o fewn Mesur Pensiynau newydd ac yn galw ar Lywodraeth y DU i sicrhau bod y Gronfa yn diogelu pensiynau'r gweithwyr hynny y mae eu cwmnïau yn dod i ben ar hyn o bryd.

6. Jocelyn Davies (Dwyrain De Cymru)

Ychwanegu pwynt newydd ar ddiwedd y cynnig:

Yn gresynu na wnaed unrhyw beth ynghylch:

- a) Gwneud Dydd Gwyl Dewi yn Wyl Banc yng Nghymru,
- b) Sicrhau gofal personol rhad ac am ddim i'r henoed, a
- c) Gwahardd ysmegu mewn adeiladau cyhoeddus penodol.

7. Jonathan Morgan (Canol De Cymru)

Dileu Pwynt 2 a rhoi yn ei le:

2. Yn gresynu nad yw Llywodraeth San Steffan yn mynd i'r afael â'r broblem ddifrifol o gynydd mewn troseddau y mae pobl Cymru a'r Deyrnas Unedig gyfan yn ei hwynebu, yn y Rhaglen Ddeddfwriaethol ar gyfer 2003-2004.

8. Jonathan Morgan (Canol De Cymru)

Ychwanegu pwynt newydd ar ddiwedd y cynnig:

Yn gresynu nad yw Llywodraeth San Steffan yn mynd ati o ddifrif i ymdrin â thlodi ymysg pensynwyr yng Nghymru ac yn y Deyrnas Unedig gyfan yn y Rhaglen Ddeddfwriaethol ar gyfer 2003-2004.

9. Jonathan Morgan (Canol De Cymru)

Ychwanegu pwynt newydd ar ddiwedd y cynnig:

Yn gresynu nad yw Llywodraeth San Steffan yn cynnig unrhyw gymorth i fyfyrwyr sy'n wynebu dyled ariannol yng Nghymru yn y Rhaglen Ddeddfwriaethol ar gyfer 2003-2004.

10. Jonathan Morgan (Canol De Cymru)

Ychwanegu pwynt newydd ar ddiwedd y cynnig:

Yn gresynu at y prinder mesurau penodol ar gyfer Cymru yn Rhaglen Ddeddfwriaethol Llywodraeth San Steffan ar gyfer 2003-2004.

11. Jonathan Morgan (Canol De Cymru)

Ychwanegu pwynt newydd ar ddiwedd y cynnig:

Yn gresynu nad oes unrhyw gynigion deddfwriaethol penodol i ddatrys problemau gweithwyr Allied Steel ac eraill y mae eu pensiynau yn ddiwerth erbyn hyn, yn Rhaglen Ddeddfwriaethol Llywodraeth San Steffan ar gyfer 2003-2004.

12. Jonathan Morgan (Canol De Cymru)

Ychwanegu pwynt newydd ar ddiwedd y cynnig:

Yn gresynu nad oes unrhyw ddeddfwriaeth ar gyfer cyflwyno elfen ddemocrataidd i Dy'r Arglwyddi yn Rhaglen Ddeddfwriaethol Llywodraeth San Steffan ar gyfer 2003-2004.

Gwelliannau a gyflwynwyd ar 28 Tachwedd 2003

Cynnig bod y Cynulliad yn penderfynu mabwysiadu'r gwelliannau canlynol i gynigion:

NDM1731

1. Kirsty Williams (Brycheiniog a Sir Faesyfed)

Ychwanegu pwynt newydd ar ddiwedd y cynnig:

Yn gresynu at y ffaith y gallai'r Mesur Elusennau Drafft arfaethedig gyfyngu ar y sawl sy'n ceisio trefnu gweithgareddau codi arian elusennol ac yn galw ar lywodraeth y DU i ailfeddwl am eu cynigion.

2. Kirsty Williams (Brycheiniog a Sir Faesyfed)

Ychwanegu pwynt newydd ar ddiwedd y cynnig:

Yn nodi'r penderfyniad i ganiatáu i'r Cynulliad Cenedlaethol benderfynu sut y dylid ariannu Addysg Uwch yng Nghymru, ond yn gresynu at y ffaith y bydd y fformiwla ariannu annigonol ar gyfer Cymru yn cyfyngu ar ei allu i ganfod dulliau ariannu heblaw am ffioedd dysgu.

3. Kirsty Williams (Brycheiniog a Sir Faesyfed)

Ychwanegu pwynt newydd ar ddiwedd y cynnig:

Yn gresynu mai dim ond un mesur penodol ar gyfer Cymru oedd yn Araith y Frenhines ac yn galw ar lywodraeth y DU i gyflwyno deddfwriaeth ar gyfer creu Senedd i Gymru a chanddi'r pwerau i lunio deddfwriaeth sylfaenol.

4. Kirsty Williams (Brycheiniog a Sir Faesyfed)

Ychwanegu pwynt newydd ar ddiwedd y cynnig:

Yn condemnio'r cynigion i gyfyngu ar hawliau ceiswyr lloches i apelio, a fydd yn niweidio dioddefwyr dilys ac yn tanseilio ymhellach ansawdd y penderfyniadau ar achosion lloches.